



Inatsisartunut Ilaasortaq Anthon Frederiksen, Partii Naleraq

**Inunnik isumaginninnikkut tunniunneqartartunut il.il. § 37 naapertorlugu apeqqutip nr. 043-p akineqarnera.**

Asasara Anthon Frederiksen

Inunnik isumaginninnikkut tunniunneqartartunut il.il. apeqqutigisannut qujaniarpunga.

09. marts 2015  
Suliap nr. 2015-111857  
All. Nr. 1874058

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

**1. Siusinaarlutik sulisinnaajunnaarnersiutillit utoqqalinersiutillillu aningaasat tigusartagaat akit qaffakkiartornerannut qanoq malinnaatinneqarpat?**

Siusinaartumik pensionisiat pillugit inatsisartut peqqussutaata allanngortinnera pil-lugu Siusinaartumik pensionisiat pillugit Inatsisartut peqqussutaat nr. 8, 31. Maj 2010-meersaq naapertorlugu siusinaartumik pensionisiat iluarsivigineqassapput akit qaffakkiartornerat point-inik tamakkiisunik pingasunik allanngorpat. Akit qaffakkiartornerat 1. Juulimeersaq aallaavigalugu 1. januar-imiit siusinaartumik pensionisiat naatsorsorneqarput. 1. Juli 2010-miit akit qaffakkiartornerat 100-mik aallaaveqartillugu naatsorsorneqarpoq.

Utoqqalinermi pensionisiat pillugit Inatsisartut peqqussutaat nr. 3, 7. Maj 2007-meersumut nassuiaatit naapertorlugit akit qaffakkiartornerat tamakkiisumik point-inik pingasunik allanngoraangat utoqqalinermi pensionisiat allannguiffigineqartarput. Akit qaffakkiartornerat 1. Juulimeersaq aallaavigalugu 1. januarimiit utoqqalinermi pensionisiat naatsorsorneqarput. 1. Juli 2010-miit akit qaffakkiartornerat 100-mik aallaaveqartillugu naatsorsorneqarpoq.

**2. Inuit pissakinnerit suliffissaaleqisut allallu ikiortariaqalersimasut pisortaniit ikiorneqartartut aningaasat tigusartagaat akit qaffakkiartornerannut malinnaatinneqarpat?**

Inunnik isumaginninnermi tunniunneqartartut assigiinngitsut tunngaviit assigiinngitsut malillugit iluarsivigineqartarput. Tunniunneqartartut ilaat SIK-p Naalakkersuisullu isumaqatigiissutaat malillugu ilinniagaqanngitsumut akissarsiaritinneqartartut minnerpaaffiat naapertorlugu ingerlaannartumik iluarsivigineqartarput. Ilaat ingerlaannartumik iluarsivigineqartarput, ilaallu akit qaffakkiartornerat malillugu iluarsivigineqartarlutik.

Inunnik isumaginninnermi tunniunneqartartut makku SIK-mi ilinniagaqanngitsunut akissarsiaritinneqartut minnerpaaffissaat malillugu iluarsivigineqartarput:

- Pisortanit ikiorsiissutit (aningaasat amerlanerpaaffiat)

- Suliffissaaleqinermi tunniunneqartartut
- Erninermi ullormusiat

Inunnik isumaginninnermi tunniunneqartartut ingerlaannartumik iluarsivigineqarneq ajortut:

- Ineqarnermut tapiissutit
- Meeqqanut tapiissutit
- Meeqqanut akilersuutit

Tapiiffigineqarluni tunniunneqartartut makku ingerlaannartumik iluarsivigineqarneq ajorput:

- Ilinniagaqarnersiutit

Inunnik isumaginninnermi tunniunneqartartut uku akit qaffakkiartornerat point-inik pingasunik tamakkiisumik tamatigut allanngoraangat iluarsivigineqartarput:

- Utoqqalinermi pensionisiat
- Siusinaartumik pensionisiat

Iluarsiisoqarsimagaangat pensionisialinnut meeqqanut tapit, ilinniartunut meeqqanut tapit, ilaqutariinnut inissivigineqartartunut nerisassarsiuutissat meeqqanut akilersuutitut tunniunneqartartut assigalugit ingerlaannartumik iluarsivigineqartarput.

Ulluunerani paaqqinnittarfinnut akigitinneqartut ingerlaannartumik iluarsivigineqarneq ajorput, kommuninilu allanngorartuullutik.

### **3. Inuk suliffissaqanngitsoq imaluunniit piffissap ilaannaanut sulisariaqartartoq inigisaminiit anisitaassanngikkuni qanoq iliortariaqarpa?**

Inuttaasup ilaqutariit tungaasigut, suliffissat tungaasigut nammineerlunilu aningaasaqarniarnermigut inissisimanagera apeqqutaatillugit inunnik isumaginninnikkut tunniunneqartartut aqqutigalugit aningaasartuutit arlallit akilerneqarnissaannut qinuteqarsinnaavoq, taakkunungalugu ilaapput pisortanit ikiorsiissutit, meeqqanut tapiissutit aamma ineqarnermut tapiissutit.

### **4. Inuit sulisinnaagaluartut kisianni suliffissaqanngitsut qanoq ilillugit inui-aqatigiinnut iluaqutaanerusumik aammalu inunnut taakkunungalugu pitsaanerusumik ingerlariaqqissinnaaneranut pitsaanerusunik periarfissarsiuussinissamut naalackersuisut qanoq pilersaaruteqarpat?**

Naalackersuisut Inatsisartut 2015-imi upernaakkut ataatsimiinneranni "Suliffissaqartitsiniarnermut periusissaq 2015 – Suliffissat toqqissisimanartut" saqqummiunniarpaat, tassani pineqarput suliniutit arlaqartut innuttaasut tamakkiisumik sulisinnaassuseqartut sulisinnaalernissaat anguniarlugu suliniutit anguniagaqarfiusut.

Suliffissaaleqisunut suliniutinik assigiinngitsunik aallartitsisoqarsimavoq, ilaatigut PKU-mik pikkorissartitsinerit aqqutigalugit, taamaaliornikkut suliffissaaleqisut sulif-

fissaqartitsiniarnerit aqutugalugit periarfissaat pitsanngortinniarlugit siuarsarniarlugillu.

**5. Apeqqummi 4-rami pilersaaruteqartoqarpas qanoq iliuusissamut pilersaarut sumiippa?**

Suliffissaqartitsiniarnermut periusissaq Inatsisartunut agguanneqassaaq. Aammattaaq suliffissaqartitsiniarnermut periusissaq sulisullu avataaneersut pillugit ullormik sammisassaqartitsiviusumik pisoqarnissaa pilersaarutaavoq.

Inussiarnersumik inuulluaqqusillunga  
Med venlig hilsen

Martha Lund Olsen